



Պարույր Սևակ

Փնտրումներ

Երգի ստեպում հազար շավիղներ,
Հազար արահետ, ճամփաներ բազում,
Ինչքան սեգ քնար, քանի տավիղներ,
Ինչքան հնչյուններ, մտքեր երազուն:
Բայց այդ բազմուղի լաբիրինթոսում,
Ուղիներում այդ հեշտին ու դժվար,
Ընկած երգերի հերկած ակոսում,
Դարձել եմ ես խոհերի ավար,
Խոհերի առաջ՝ թեքած պարանոց,
Խոհերի առաջ՝ մի նվաստ հոգի,
Խոհերի առաջ՝ խեղճ ու վարանոտ,
Խոհերի առաջ՝ բարդ ու անմեկին...
Կյանքն էլ է այդպես դժվար ու հեշտին
Վերխոյացումով, վարիջումով լի.
Կյանքն էլ ողջույնի և հրաժեշտի
Համբույրներով է անիմանալի.
Կյանքն էլ է նրբին, կյանքն էլ պահանջկոտ,
Կյանքը կարոտ է իր երգը լսել.
Կյանքը պճնված, բայց նաև բոկոտն,
Կյանքը - մշուշոտ, կյանքը - վառ, լուսե...
Ու այդ կյանքն ահա ինչպե՞ս ընդգրկել,

Ծավալը չափել երգի մենագրով...
Երգերը՝ գրված երգերից գրքե,
Կարող են միթե անձրևաշրով
Օձանել կյանքի դեմքը բազմանիստ,
Պատկերել նրան... դողանջը գոնե,
Որպես ցուր ու փայլ սփռել հանգիստ,
Որպես եղածի նկար անգունեղ
Մատներով վարպետ լավ ուրվագծել
Այնպես, որ կյանքը չայլանդակվի,
Որ չխառնվեն բծեր ու գծեր
Եվ կյանքն անկաշկանդ գեթ չըվանդակվի...
Ու դրա համար իմ մանուկ հոգով,
Իմ անվարժ գրչով, թույլ ուժերով իմ,
Իմ հայրենիքի երկնքի ներքո
Պիտի երգեմ նորը բոլորովին:
Պիտի կաշկանդված իմ հոգին սուրա,
Ինչպես հողմը խենթ փոթորկի ժամին,
Թափառի անհաս եզերքի վրա -
Պայծառ գալիքի սեզ ճանապարհին:
Պիտի իմ երգը ծնվի կյանքի մեջ,
Կյանքի գրկի մեջ... կյանքից գոյացած,
Պիտի որ դառնամ կյանքի բանաստեղծ,
Կյանքի գորությանը բարձր խոյացած:
Ու դրա համար ծառանամ պիտի
Հին անեծքային օրենքների դեմ,
Որ երգս կապի ծիածան-գոտի,
Որ հոգիս դառնա խնդության եղեմ:
Ու պիտի շուտ տամ գլուխս հպարտ
Բյուր ճանփաներից, շավիղներից բյուր,
Ինչպես արքորից փախած թիապարտ,

Թափառումներին տամ հազար համբույր...

Պիտի ջարդոտեն ամեն մի կապանք,

Ամեն մի շղթա՝ հոգիս կաշկանդող,

Որ կյանքը երգիս մեջ էլ մնա կյանք,

Որ չլինեն տողեր՝ խոհերըս բանտող...

Եվ ահա հոգիս այս հուզումով լի՝

Կանգնած է ահա լուռ ու վարանոտ

Բյուր ճամփաներում անհմանալի,

Քայլելու համար գեթ ուղու կարոտ...

...Շին ճամփաների լաբիրինթոսում,

Որպես գնացող անտես իոններ,

Տենչանքները իմ հեռու են հոսում,

Իսկ ես որպես մի խիզախ պիոներ -

Հոգուս մեջ - ձգտում, գլխիս մեջ - խոհեր,

Շեփորում եմ գոռ հաղթանակի մարշ:

Եվ եթե հանկարծ հրացանը իմ

Դեռ չկրակած անօգուտ պարպի,

Թող այս երգն իմ - հոգուս մտերիմ,

Դառնա իմ հոգու երգը կարապի...